



LETTRE MENSUELLE

“Le Royaume des cieux est tout près de vous” Guérissez les malades, rendez la vie aux morts, guérissez les lépreux, chassez les esprits mauvais. Vous avez reçu gratuitement, donnez donc gratuitement”

Bureau Central de la FPMA

AVRIL 2019

N° 003



Paska fahazavana !

Lioka 24,1-12

Faly miarahaba anao ao amin'i Tompo izahay amin'izao andro firavoravoana noho ny Paska izao !

Mbola manana ny akony eo amin'ny fiainan'ny Kristiana rehetra ankehitriny ve ny Paska ? Efa zary fety aman-danonana mantsy io fotoana io ankehitriny satria mamporisika ny olona ho amin'izany ny tontolon'ny fanjifana (société de consommation). Misy ihany koa ny matsiaro izany andro lehibe izany ihany saingy revo amin'ny fombam-pivavahana sy ny fetim-piangonana ka manadino ny tena foto-javatra (religiosité chrétienne).

Rakotry ny haizina samihafa araka izany ny zanak'olombelona, fa indrindra ny kristiana maro, ka dia mitady ihany izy fa tsy mahita, mihinana ihany saingy tsy mety voky, mandany vola aman-karena fa tsy mety afa-po, mifaly ihany saingy tsy mahazo fitsaharana ny fanahiny (Isaia 55,2a).

Manoloana izany haizina manjo izany indrindra no indro miposaka amintsika indray ny fahazavan'ny Paska. Ho an'i Lioka, dia nanomboka teo amin'ny fitsanganan'i Jesoa Kristy tamin'ny maty ny fahariana vaovao ataon'Andriamanitra ho an'izao tontolo izao izay simban'ny fahotana (andininy 1 : « tamin'ny andro voalohany... » ; jereo Genesisy 1,1). Ny Fanahin'Andriamanitra no miasa

PASKA FANAFAOZANA

1Kor 5, 6-8

6 Tsy mety ny fireharehanareo. Tsy fantatrareo va fa ny masirasira kely dia mahazo ny vongana rehetra? 7 Esory ny masirasira ela, mba ho vongana vaovao ianareo, araka izay tsy mahamisy masirasira anareo. Fa voavono Kristy, Paska ho antsika; 8 ka dia aoka isika hanao andro firavoravoana, tsy amin'ny masirasira ela, na amin'ny masirasira lolompo sy faharatsiana, fa amin'ny mofa tsy misy masirasira, dia ny fahadiovam-po sy ny fahamarinana.

Efa nanomboka novelabelarina tamintsika tao amin'ny Sehatrin'ny SAP-KNPL ny etika sy ny moraly ao amin'ny Epistily nosoratan'i Paoly ho an'ny Korontiana. Tsapa ao amin'ny Epistily manontolo ny firaketan'ny fon'i Paoly amin'ireo Fiangonana nankinin'ny Tompo taminy.

Ny resaka ataony Paoly eto dia mahakasika fitondran-tena maloto na fijangajangana izay tsy mbola nisy toa azy na dia any amin'ny jentilisa aza. Satria lehilahy iray ao anatin'ny fiangonana no manambady ny vadin'ny rainy. Izany hoe efa maty na nisaraka ilay rainy, ka renikeliny izay io novadiny io.

Tsy nety tamin'i Paoly ny fandrenesana izany vaovao mampalahelo izany ka dia nanoratra izy mba ilazana ny tsy maharatsy sy mahamenatra izany. Nampahafantarin'i Paoly ary ireo koa ny tsy mahamety ny namelan'ireto kristiana tany Korinto ireto izany tranangan-javatra izany tamin'izao fotsiny fa tsy nitadiavany vaha olona.

Izany no mahatonga ny Apostoly Paoly miteny hoe : « Tsy mety ny fireharehanareo ». Misy nihevitra ny tenany ho mamala-tsaina ka nijery fotsiny izany fijanganjanganana mahatsiravina izany. Misy koa ny natahotra ny vavan'ny hafa ka tsy sahy nandray andraikitra.

Ny tokony ho nataon'ireto vahoakan'Andriamanitra ireto dia ny namoaka an'izany lehilahy izany tao ampiangonana mba hitsaboana azy. Izany



no hevitra ny hoe « 7Esory ny masirasira ela, mba ho vongana vaovao ianareo ».

Izany no antson'ny Paska ho antsika, Paska fanavaozana : « Fa voavono Kristy, Paska ho antsika ». Io no fototra telojikan'ny etika sy moraly kristiana. Ny fahafatesana sy ny fitsanganan'i Jesoa tamin'ny maty no nanomezan'Andriamanitra ho antsika ny fandresena amin'ny lafiny rehetra : Izao tontolo izao, ny devoly sy ny asany rehetra, ny fahotana ary ny fahafatesana.

Noho izany dia tena fifaliana no entin'ny Paska : « 8ka dia aoka isika hanao andro firavoravoana ». Fifaliana mitaky andraikitra anefa satria isika mbola eto amin'izao tontolo izao mbola anjakan'ny rastsy. Ka hoy indray ny teny : « andro firavoravoana, tsy amin'ny masirasira ela, na amin'ny masirasira lolompo sy faharatsiana, fa amin'ny mofa tsy misy masirasira, dia ny fahadiovam-po sy ny fahamarinana ».

Ny Paska noho izany ry havana dia mitaky andraikitra sy miantso antsika hiambina mandrakariva mba tsy hisy masirasira intsony eo amin'ny fiain'ny tsirairay sy ny fiainan'ny fiangonana. Efa voalazan'ny Mpanompon'Andriamanitra teo amin'ny Lioka koa ry havana fa ny Paska dia nanaposahan'Andriamanitra indray amin'izao tontolo izao ny fahazavany.

Vavaka :

Ray malala ô, aposahy aminay ny fahazavanao mba ahitanay izay mbola masirasira eo amin'ny fiainanay sy eo anivon'ny fiangonanay. Ary omeo anay ny herin'ny fitsangananao tamin'ny maty hanoheranay sy hialanay amin'izany.

Past Seth RASOLONDRAIBE

hahatanteraka ny fahariana ny mino mba ho tonga olom-baovao kosa izy (Romana 8,11).

Raha tsy nitsangana tamin'ny maty i Jesoa Kristy dia levona tao ampasana avokoa ny fampianarany sy ny Fanjakan'Andriamanitra izay nitoriany, ary dia mbola tao amin'ny fahotana ihany isika (1 Korintiana 15,17). Koa ny Paska kristiana dia ny fijalian'i Jesoa Kristy sy ny fahafatesany ary ny fitsanganany tamin'ny maty. Fahazavana roa lehibe no aterak'izany eo amin'ny fiainan'ny mino sy ny Fiangonana, araka izay taterin'ny Filazantsara eto, dia ny finoana miorim-paka amin'ny Tenin'Andriamanitra sy ny faharetana amin'ny asan'Andriamanitra.

1)Finoana miorim-paka

Sarotra amin'ny olona izay manaraka ny lojikan'ny tany (rationnel) ny hahatakatra ny tsiambaratelon'ny fitsanganana amin'ny maty satria voafetra eo amin'ny fasana ihany ny fahalalana ara-tsaina. Na dia misy aza ny marika hita maso ny amin'ny fanatrehan'Andriamanitra toy ny « vato nikodia », dia very hevitra foana ny olona raha tsy mino izy (and. 4). Koa ny finoana dia ny fanekena fa marina ny Tenin'Andriamanitra (Romana 10,17). Hafatra tokana no nentin'ireto anjely ireto nanazavana ny fo sy ny sain'izay nitady an'i Jesoa tao am- pasana, dia ny hoe: « tsarovy ny teniny... » (and. 6). Moa tsy izany indrindra no nahatery ny mpanitsy fivavahana hatrany amboalohany, dia ny anorenan'ny Fiangonana ny finoany sy ny asany amin'ny Tenin'Andriamanitra irery ihany ?

2)Faharetana amin'ny asa fanompoana

Nahazo hery noho ny fandraisana ny Tenin'Andriamanitra ireto vehivavy ireto ka niamboho ny fasana ary dodona hizara ny vaovao mahafaly ho an'ny namany (and. 9). Tojo fisedrana izy ireo satria tsy mba noraisin'ny olona akory ny fanazavana nentiny (and. 11). Nisy anankiray kosa anefa mba nanokatra ny sofiny ihany saingy tsy nanaraka ny teny re fa izay saimpatany fotsiny no notohizany (and. 12). Mampahery ny Fiangonana àry mba hanohy hatrany ny asany ka tsy ho kivy amin'ny fitoriana ny Filazantsara ataony : « ianareo izay mpampahatsiaro an'i Tompo, aza mitsahatra ! » (Isaia 62,6).

Ho tsilovin'ny hazavan'ny Paska hatrany anie ny fiainantsika sy ny Fiangonana ary izao tontolo izao!

Past Jean Teddy Ramaherijaona

“Tsy mizaha tavan’olona Andriamanitra.” (Asa 10.34) Paska, Loharanom-pamonjena ho an’ny rehetra



Izany tokoa no azo lazaina momba ny fitoriana ny tantaran'ny Paska. Rehefa mihevitra ny fitsanganan'i Kristy amin'ny fitsanganan-kovelona dia hita fa manohy miehy hatrany ny tontolontsika sy izao tontolo izao Andriamanitra. Inona tokoa moa izany ny tena hevitra ny Paska ho antsika ?

Ny toriteny fohifohy nataon'i Petera tamin'i Kornelio dia maneho ny tokoa ny fanambarana ny fitsanganana amin'ny maty. Ny maha-zava-dehibe ny fitsanganan'i Jesoa dia tsy midika fotsiny hoe mahalala na mamerina momba ny fasana foana, izay tena ilaina tokoa, fa misongadina etoana fa zava-dehibe kokoa noho ny fitsanganana amin'ny maty dia ny fanehoana ny fanoloran-tenan'Andriamanitra ho an'ny olombelona rehetra.

Voalohany, nahoana i Petera no niresaka tamin'i Kornelio? Nanomboka ny hafany i Petera ao amin'ny andininy 34. Nandresy lahatra ny amin'ny fiheveran'Andriamanitra ao fomba fijery vaovao. Ny toriteny manontolo dia tonga amin'ny fibanjinana vaovao : “Tsy mizaha tavan’olona Andriamanitra.” Andriamanitra dia miehy ny olombelona rehetra ary mankasitraka ny vahoaka rehetra. Fa ny Asan'ny Apôstôly dia maneho fa Andriamanitra dia nanambara izany fahamarinana izany tamin'ny fomba maro mba hanafoana ny fenitra

maharitra hatrizay (jereo ny 10:28; 11: 2-3). (10: 9-23a). Niresaka momba ny fiainan'i Jesoa sy ny nahafatesany ary ny fitsanganany tamin'ny maty i Petera, mba hampisongadina ny fikasany momba ny tany sy hanaporofa fa tsy manavakavaka Andriamanitra.

Faharoa, nanoritsoritra ny tantaran'ny filazantsara sy ny fanompoany manokana i Petera, ka nampifantoka ny votoanton'ity tantara sy ministera ity. Jesoa no Tompon'ny rehetra (and. 36). Satria nomba azy Andriamanitra, dia nositrany izay rehetra nampahorina (and. 38). Ny fanavotana amin'ny fahotana ankehitriny dia tonga amin'ny olona rehetra izay mino Azy (and. 43).

Ny loharanon'io famonjena ho an'ny rehetra io dia mitoetra sy miorim-paka amin'ny asan'Andriamanitra amin'ny alalan'i Jesoa Kristy, izay nirahina “tamin'ny zanak'Israely” (and. 36) ary nitory ny hafany tany Galilia sy Jodia (and. 37, 39). Fa ny tena endriky ny zava-niseho tamin'i Kristy teo amin'ny tantaran'ny fifandraisan'Andriamanitra tamin'i Israely dia ny tsy famerana ny famonjena ho an'ny Israely ihany. Izay rehetra manatona an'Jesoa dia tsy ho laviny satria : “Tsy mizaha tavan’olona Andriamanitra.” Izany no Paska ho antsika anio.

Past Falimanana Raharindranto



TANO NY FINOANA HO AMPINGA

Misaotra an'Andriamanitra lehibe fa tontosa soa ny RNT 2019 izay natao ny 13 - 14 aprily tany HAMEAU de BECOURS 12520 Varrières.

. Nisy mpilasy 290 izay beazina 172 , mpiandraikitra 53 ary ny olon-dehibe 65. Ny tondrozotra nandritra izany lasy izany dia noraisina tao aminy MATIO 5 / 6 « aoka hazava eo imason'ny olona toy izany koa ny fahazavanareo »

Ny thème ny lasy dia « Scouts , citoyens du monde , responsable

de la protection de la nature » Nizara ho sokajin – dasy 4 ny lasy ;ary niaina sy namelona tena irery.

Nanantateraka ny AG ny Ray amandreny ary nisy ny fampianarana izay nohentiny mpitandrina synodaly izay hisaoranany mitafotafota.

Nisy koa ny fotoana niarahana toy ny lalao, afon-dasy ny asabotsy hariva , ny culte ny Alahady maraina notarihany mpitandrina mpiahy ny Tily RAKOTO Clément.